

江蘇府縣志輯

中國地方志集成

鹽城縣志

續修鹽城縣志稿

鹽城續志校補

# 中國地方志集成

江蘇府縣志輯 (59)

光緒鹽城縣志

民國續修鹽城縣志稿

民國鹽城續志校補

江蘇古籍出版社 ● 上海書店 ● 巴蜀書社

責任編輯 王華寶  
封面設計 范一辛

中國地方志集成

江蘇府縣志輯

⑤9

出版 江蘇古籍出版社

(南京中央路一六五號)

印刷 上海市印刷七廠

發行 新華書店

上海發行所

定價 一二八元

1991年6月第1版 1991年6月第1次印刷

ISBN 7-80519-273-1 / K·153

重修鹽城縣志序

鹽城之有縣志肇於有明南海楊氏  
乾隆初元程沈經作互校歧異應百  
數十年未有賡續者之考老頤澹擴  
拾廢墜搜張人物切家掌錄解有為  
者於邑之縉紳賢士倡為斯舉收

鹽城縣志

卷首

一

羅叔侯應青年所著廣陳君玉樹尤  
銳生學據史傳薈粹稗乘積有蓄  
稿未遑示人蓋廣徵圖稱其流也康  
寅壬辰之開祥齋也陳雲村兩明府  
神時孝廉及前戶部主事龍廷棟興  
化李上舍詳相與撰述以期歲事會

齋九雲村相繼去任龍君二以校書

滄上不果屆鹽鎮海別弄裝鄉以獨  
林改官此邑興賢敦俗風流今初董  
贊存事樂觀厥美者應設然自任銀  
幣不輟上舍館於予署繕帙往籍據  
其一得典之郵筒往復時有裨益商

鹽城縣志

卷首

二

權條例期於盡善極擇之暇自此而絕  
予以鹽城西湖負海土厚水沈之藻  
蒙之士奮興於淳季孔璋子源應代  
莫抗陸君實氏澤若玉為稱者其他  
方聞皆鉅德逢之流見於世者雅記  
咸可左證合循覽其志原有勸善稱

職方為青城標射陽為率隸則興地  
之數也易行斜上移然不紊則諸表  
之省也人物刊落子目列傳標列巨文  
則史載之法也隨而能為諱法言  
不宜妄辱則是非之公也時雲米鹽  
翦截條箋則澄汰之精也舉是諸美

皆可覆案目睫之喻古人所難為之  
闕謬論之專輒拓茅蕘之常與於表  
雅依斟酌至若其規模宏遠賢於舊  
志遠矣予觀京邑於兩玉其色新進  
邑之文士與之譚藝以於古太史氏陳  
詩觀風者其鼓也力學為淮郡之冠

今方興之修閘堰興水利厲風素之  
苛苛盜賊之憂因茲修志之有集也  
於是乎泚辱去之光緒二十一年四  
月上旬

賜進士出身

欽命二品頂戴江蘇淮揚海兵備道

前翰林院編修 國史館纂修官桂

林謝元福撰

重修鹽城縣志敘

古之良吏必周知所治土域民風之要歷代通變之宜然後脩吾教而民從之有所興革則防微憲萌利賴及於久遠故邑之有志繫民生之利害與有司施措之圭臬非徒以文字簡增用相詬病已也鹽城瀕海劇邑歷唐宋

鹽城縣志

卷首

五

元皆為上縣而古稱難治光緒十有九年劉君楚藩以名翰林出宰茲土甫下車知邑士大夫謀賡續舊志久而弗成乃察耆紳之能文章達掌故者俾專厥任增脩既竣余例得弁言於首溯自楊氏創志規格略備程志於楊志多所糾正沈志於程志力為砥礪於文

字簡增詬病得失已耳矣開政

要哉余謂鹽城形勝東控瀛海西襟湖蕩捍海堰貫其中南趨通泰北接阜寧當國家清晏固為下河往來夷庚為南宋紹定有明嘉靖李全暨倭寇兵事禁如屹為重鎮國朝多泰西通商海禁大弛藩籬盡撤新洋諸海口潮

鹽城縣志

卷首

六

擊沙汰掌固之義闕如昔程大令國棟論鹽邑形勢以海防為第一義豈不以漁竈錯居島夷窺伺籌慮豫防危途邊圉而湖蕩浩漾梟桀逋盜萃為藪澤游徼控險宜思有以鞏我東隅此政當亟者一也范堤迤東古皆沮洳潮汐受過久成甌窰大河北徙公昔

勢殊誠使水利舉脩依古區田一  
法捍防阻堰疏導得宜則潦可分  
泄旱可引灌雖磽确不瘠靡弗流  
惡規利而圩若團結衛耕助聖保  
甲輯奸隱然脩矛敵讎士益知重  
生而反本俗尚敦樸任郵睦姻俾嚮  
者猾結訟競一風幡然移易改之  
當亟者又一也劉君治鹽未及暮

月而勤於志殆大異乎俗吏之所  
為而能知政要者豈志得二三君  
子文章之淵雅事實之徵信則  
閱者舉能悉言而余所憐之政則  
土域民風之要歷代通變之宜用  
餉後來司牧是邦者激劉君疇自  
志也

光緒二十一年歲次乙未知誰安府

事古浪張球敘

重修鹽城縣志序

有明自甲申乙酉而後淞東士大夫忠義之氣為天下冠而寧波一郡又為淞東冠而張忠烈公煌言又為寧人之冠崇照生長蛟川嘗過甬東而弔公之故里遊南屏山而拜公之墓輒歔歔涕洟想見其為人獨怪夫公

鹽城縣志

卷首

九

之同里萬充宗先生既請黎洲先生為銘幽之文以誌公墓而充宗介弟季野先生以布衣掌史局成明史葉五百卷於監國遺臣多為立傳而於公之百折不撓卓然為有明三百年忠臣之殿及削而不載豈其時官書海寇之名未雪有所畏詘而不敢耶

然吾觀於總督趙廷臣繫公家屬入告

世祖命無庸籍沒而令公之父以書諭公是公之効忠勝國久為

聖主覆載之量所容修史者復何疑忌而不振筆為作佳傳也乎吾於明史之無公傳不能不為季野咎也鹽城雖僻

鹽城縣志

卷首

十

處瀕海而振訊於陸忠烈公之風涵濡於郝忠烈公之教當甲申乙酉間士大夫之忠義雖未足方駕淞東而足為淮東之冠司公石磐以諸生起兵與鄧節愍爭死雖未足方駕張忠烈而足為邑人之冠予少時讀明史葉史外及南臺繹史諸書至石磐狂

歌痛飲酣詈不報未嘗不歎鹽城之  
大有人也及奉

命出宰是邑披閱舊志見忠烈一門無司  
石磐而有司邦基云與孫光烈北向  
慟哭慷慨殉節死僅附錄於李幹才  
樂大章二人之後而無專傳且又不  
載其起兵被執事幾疑石磐與邦基

鹽城縣志

卷首

士

非一人矣及閱射州文存及新修郡  
志而知石磐為邦基字而歎舊志之  
多陋略與明史藁不傳蒼水先生同  
也當是時鹽邑設局續修志乘近十  
年矣前令長白祥麟如明府禮聘臨  
桂龍松琴先生總其事龍先生以校  
書滬上久不至祥明府以事去職繼

之者為撫甯王惺園湘鄉陳雲村兩  
明府以上游嚴檄敦迫屢詢謀於邑  
之搢紳先生期速歲厥事以節省度  
支而未能也予忖知其故即請陳惕  
庵考廉主其事而以邑中三五方雅  
之士輔之任既專壹議無旁取兩閱  
寒暑纂刊皆畢公餘之暇一再瀏覽

鹽城縣志

卷首

士

見其義法善而分合當綱羅博而去  
取精而於明季之貞臣遺老攬殘索  
隱不遺餘力而表章之以視舊志之  
不傳司公石磐明史之不傳張公煌  
言其得失為何如也

聖清宰世德化邁越往古而州縣長吏暨  
學校儒臣不能上體

朝廷德教以激厲士民忠愛之心致倫理日晦而人心風俗日益澆蠹爾達夷迺得乘敝肆侮據巖壘而要重幣上詒

廟堂宵旰之憂凡肉食者與有責焉予小臣綰符是邑愧未能如郝忠烈之疎鹽教士以忠孝大義而是志之脩也

鹽城縣志

卷首

三

闡道忠而弼彝教彰往哲而淋來茲邑中魁磊之士儻有讀而興起者乎誦奇零草者慨想孤忠何必乘風泛海尋遺蹟於翁洲懸壘間也光緒二十一年四月知鹽城縣事鎮海劉崇照書

鹽城縣志原序

鹽城淮之大縣也故無志夫志者識也識之以考鏡古昔而相土辨治也縣無志何觀焉予自己卯歲蒞鹽城鹽城人士盡數以志請于時魚鼈之民方患苦洪水鴻鴈之夫半流入他郡瘡痍滿目百廢未舉安暇問志事蓋數罷之猥以庸庸祇役斯土者且五年所乃者壹切稍稍就理於是始進諸生屬之分局而撰志繁乎復乘水土簿書之暇蒐覽諸載籍摭摭其事之屬鹽城者而問與吳山人參訂之志成凡十卷夫鹽城者其地則據溟海之勝其人則多忠孝節義瓌璋之行其著作則有

鹽城縣志

卷首

原序

一

皇漢之文予得握符爲斯地主有厚幸焉昔太史公登箕山而弔許由之塚過大梁之墟而求問其所謂夷門矧也鹽城多賢矧予且久於鹽城以其故每憑軾過昔人遺蹟輒徘徊歌思而不能已藉令僅徘徊歌思而已也而莫爲之志以傳卽地靈與昔人交譙讓矣於是卒卒竟志事而於前所言數者特繁不殺云萬厯十一年癸未仲春朔日南海楊瑞雲撰

南海楊肖韓氏宰鹽城且五載百廢振興黎元開澤乃據案太息曰邑安得無志今我不述後將何觀哉亟命諸生具藁以上而問乘簿書水土之暇修輯論序之凡

十卷以授敏道校焉疾讀數過犁然當於心安能復置一辭哉竊念隆慶己巳師明府邊之鹽城南出八寶東門一望如巨海濁浪排空心怖輒命迴舸迨舊麻辛已偕楊明府東行則中流鼓舵兩岸禾黍交映良快人意藉令其時無楊明府奚平成康莫若此漢人云江河之決皆天意未易以人力爲強塞非然哉予旣至鹽城則歷嵯場觀大海登南城樓經孫司馬故居訪問瓜井謁陸丞相祠指點范公堤爲十日之飲而歸今復閱所修志凡邑之名勝古蹟若鄉先哲忠烈節孝賢豪之人遍觀覽無遺道之所得於鹽城多矣因綴數語以復於楊

鹽城縣志

卷首 原序

二

明府云萬厯癸未仲春十二日八寶吳敏道題時纂修縣志者爲邑人夏應星分纂者爲邑人張三鳳成克勳金重王得文孟一龍謝遇春滕汝礪孟大順萬厯四十二年邑人王汝右繕楊志補縣名曰野志後之修志者多所採入今書與序者不傳

余考九州之有志也其昉於周之職方氏乎其立例簡而稱事盡後之紀輿地者無以過焉蓋以周治尙文元公有作而其條次要歸於輕重得體而止則今之紀郡邑者可視此爲權衡矣而何爲彫繪窮工俾山川失流峙之故風華競勝致人物鮮忠孝之歸進諸職方所載不勝浮誇之弊焉余久爲此懼當 皇上御極之九載承乏鹽城進邑乘而讀之見其立例簡而稱事盡條

次合輕重之宜余慨然曰斯志也其猶有古職方氏之遺意乎且樸以持文正在今日使宏此於天下不特傳聞者鮮失其真卽天地與術之區人氣剛柔之應亦不得過泄之以文章而致不軌之民手持一編遂以爲要害人情在吾掌中則樸之爲計遠而真久者無疆也鹽之爲志庶以云救乎而惜其閱年之久字畫湮蝕幾於亥豕難辨余方圖所以更新之而東閣之木一旦爲回祿所燼諸紳衿耆老造於庭僉謂志久不修棄爲土直弗如其傷爲冷灰則革其樸而文之應茲離火是所望於今日余曰不然昔天下輿圖掌於司馬諸侯王秘不

鹽城縣志

卷首 原序

三

得見至漢高帝八關蕭相國先收圖籍因據以識天下戶口要害贊成漢業後舉而屬之司空七國得之遂據圖而稱兵是滋天下之變者職輿圖之不秘也况特取而藻飾之非余所云樸以持文之意矣今日之舉仍舊志以付剞劂亦以志余愼以將事之心爾後有踵事增華者其毋忘比物此志也夫順治丁酉夏六月知鹽城縣事關東賈國泰撰秦國秦重萊楊志每卷皆有增續詞意鄙俚識者少之

皇上御極十二載余小臣承乏鹽城澌澌者地也凋瘵者民也十逸其半者版圖也歲涓其全者賦稅也廢詩書謀采蒿者士也急修救思共濟者同官也欲克負荷

茲土祈免於輪載之戾亦甚難矣哉不意彈丸邑煩

聖天子軫念咨方制則遣大臣發太倉則遣大臣覈籍

之多寡則遣大臣相水之來去則遣大臣荒度土功刻

日告成則又遣大臣廟堂之上神馬思車周歷海隅

奚啻一日九迴哉予小臣敢匱愛筋力不矢心盡瘁以

綏集此羽肅肅而聲譽著者乎愧三年來治鹽無狀災

沴未弭民艱孔亟幸督撫司道府諸臺几席視鹽土赤

子視鹽民弱輻瘡壯視鹽令鹽不幸為天所災幸而為

諸憲臺所口噢而手援且加勝焉竊嘗冀流移畢復原

隲底平之日敬與鹽之神衿耆庶哀次六年內為鹽請

鹽城縣志

卷首

原序

四

命之文移章疏與鹽受蠲受振之錢穀戶口共為一書

受之編氓俾人遺子孫誦樂利之所自來會 上允

輔臣請由 京畿以及十四布政司各徵為府為州為

縣新志書以彰同文盛治予小臣奉檄惟謹於是延集

閩邑師儒縉紳與時彥之包儲典故者取舊志而修飾

之溯邑之建置肇自隋初

案隋當作漢

閱唐宋以及元明樸

畧漸開丹雘未備迄今 昭代聲文茂矣縣之腴瘠民

之聚散歲之豐耗官政之殿最風俗之臧否文物之興

日俱新科名之乘時加盛盡班班可考矣予小臣更有

深惕焉我 皇上撫有八荒攬遐陬撤幽鄙將以此

當採風之獻督撫司道府諸憲臺臬臬之寄勤禹稷

之思將以此告旬宣背雨之績豈僅競繁楫葉矜富子

壘而已乎夫亦願分土而牧音各求民之饑溺何以奠

田疇何以父子弟何以鞠謀畜產何以蕃殖國之財賦

徭役何以無虧歲領而不勲催科士之道德未充何以

壯經術經術不賄何以達人人情不諧何以亮 君

父而宣政教使有一之弗慮弗圖焉咎繇誰道乎則茲

役也所以教天下之分土而牧者皆知自課自效之實

而匪徒以行墨空言辱煌煌 簡命也鹽故彈丸邑哉

進而州郡視此更進而省會亦視此甯儉毋華予小臣

鹽城縣志

卷首

原序

五

席幾乎不至於博而寡要乎敬為序康熙十二年歲次

癸丑春二月知鹽城縣事渤海陳繼美撰

時纂修縣志者為邑人宋

與宋之根潘

歲癸亥春二月余拜鹽城令之 命肅然而恐蓋鹽自

戊申己酉以來疊罹饑饉懼鹽民之弗即於生理而長

人之責之不能勝也既聞百姓不安其居致獄訟繁興

累月不解復惘然以憂迨六月抵淮陰從涇河東下一

望汪洋若長江大海橫無際涯詢之則昔鹽之蓄畝而

數十年湮為澤國者也輒不覺悽然而為吾民悲之會

泥迎迓道左呼籲水災皇皇乎不能急切救之既視事  
周閱城池傾圮凋敝百事待舉旋展謁陸丞相祠訪歷  
代名賢知鹽爲忠孝節義之鄉郡志舊稱士敦禮讓民  
樂魚鹽奈歲比不登以至此極是非需之歲月按圖籍  
而稽之核廢墜而興復之招徠流離之蒼赤而撫之摩  
之欲冀鹽漬猝復舊觀固必不得之數也默籌於中莫  
之決策時蒞鹽十日餘耳郡伯高公傳督撫藩臬檄附  
以手諭 皇清一統志刻日會纂敕郡邑守令亟纂諸  
志上之各省以備採擇爰集邑之廣文薦紳暨博士弟  
子詢謀僉同得康熙癸丑前令陳君重修未刻之志延

鹽城縣志

卷首 原序

六

當日分纂之儒重加校讎增新補闕不獨十年以來  
君恩民瘼悉載無遺并數百年以前載而未備者亦復  
廣行蒐羅詳加參訂余論次既竣展卷而喜且慨然其  
自儻也夫初行作吏欲周知一邑之建置沿革人物土  
風今昔盛衰之異利弊因革之宜豈迫促咨諏遽能洞  
達於胸臆者茲以 皇朝鉅典殫精竭慮兼六十日夕  
之力粗能藉手以告成書非憲檄諄嚴不遑甯處則甫  
蒞災邑案牘勞如卽或進邑志而議纂修將以爲不暇  
及此且不能及乎此也夫必待時之暇而力之能及方  
復問乎縣志又知其在何年月日乎哉然則茲役也不

可以鼓天下作吏之勤敏而策其純匱矣乎不甯惟是  
鹽當明神宗時民稍稍樂利南海楊君盧山令茲土能  
以其惠民之餘力創爲縣志其時誠多所興建可以潤  
飾鉛槧今人文較盛昔時而城郭風景日就蕭疎賴  
聖天子統一區宇各憲臺廉法交飭值修明文物之會  
縣志更新使四郊之內恬乎熙乎得復見繁庶之象獄  
訟息而禮教敦以庶幾告無負於一令而步軌躅於楊  
君則予且慙然厚期於茲役之後而揣揣乎其小心以  
俟之也敢卽書是言於簡端康熙二十二年秋七月知  
鹽城縣事建陵蔣荷坤撰

鹽城縣志

卷首 原序

七

鹽漬著於漢書訖晉末垂六百年改鹽城載在宋書訖  
明萬厯初逾千年而未有志也南海楊氏瑞雲來知縣  
事特創爲之前此千六百年中吏治之循良人才之魁  
磊城池兵衛之建置賦役溝洫之經營詎僅僅如楊志  
所錄者而典籍無徵楊氏之作幾於闕鴻濛造草昧宜  
其難爲功矣夫莫爲之前雖美弗彰莫爲之後雖盛弗  
傳楊氏之書既以莫爲之前使千六百年之記言記事  
者存什一於千百然則繼楊氏而起者當亟圖之正其  
謬補其缺續以近所見聞積累至今又一百六十年必  
且彬彬郁郁矣而唱者聲希賡者響寂 國朝遼陽賈

氏國秦不過重爲開雕其謬者缺者如故所續亦寥寥耳滄州陳氏繼美大興于氏本宏止蠡具藁本稍有所續亦未成書網提領羣殊少條貫此一百六十年之若明若晦與前此之千六百年等及今弗圖恐并楊氏之書而失其傳欲再闢鴻濛再造草昧不愈難乎此愚於斯志之修纂雖以短才治瘠土當水旱饑饉日不暇給之際而不敢視爲緩圖非迂也或曰子之書將自信爲詳備乎愚曰不然邑志猶之國史閱一代有一代之蹟作史者務使已往者無廢墜將來者有據依更數十年而輒有修舉廢墜之人邑之吏治人才日新月盛執筆鹽城縣志

卷首 原序

八

而揚厲之不期於飾觀而自彬郁矣若今則第踵楊氏之後塵而俾將來者可繼也詳乎哉備乎哉烏乎能乾隆七年冬知鹽城縣事程國棟撰

時分纂縣志者爲邑人沈儼王鉅謝宏宗

宋珍樂甯僑乘  
奕劉贊嚴位

江右黃君令鹽之四年政修事和百廢具興通輯鹽城縣志共若干卷書成請敘於余余讀之作而歎曰他令僅作志而已黃君則潞河建開寶大有造於鹽城又余所設施而未及竟及嘗有志而未及爲者黃君能竭蹶以底於成功雖微黃君之請固願一言以附於簡末其敢以不文辭粵惟鹽之爲邑上承淮黃東連大海而射

陽湖在其境內爲七邑水道尾閭比因黃潰決堤崩堰頽壞濁流內灌湖身淤高旱則膠舟商旅弗通水則決溢傷田廬沃壤之區蕩爲巨浸延及旁邑歲屢弗登民卒告瘡余於雍正十一年令鹽卽議開境內各河以洩積滯建天妃閘以嚴啟閉築圩岸以護民田會移長州功未及竟深疚厥心乾隆十年余復奉 命守淮安黃君之令鹽邑也適二年矣黃君才大而敏性強幹而不辭艱鉅先是請於諸上憲躬任水利先濬串場等河以達於海次開東塘九曲等河以達於湖濬建天妃口越開凡境內之幹河支流罔弗浚以深民聞之圩閘堤岸

卷首 原序

九

罔弗築以堅一切閘堰水口涵洞浦港罔弗通利而直達尤能不殫勞動躬親督率觸炎曦冒寒露經行境內畚築凡三千餘里歷三載而畢工功成之日水流如駛高下灌注各率其職無有決溢民用灌溉黃雲布野十一年夏黃淮并漲淮郡山阜清安桃五邑胥被水患而鹽獨晏如繫黃君之力夫以其所嘗施行者而書之於志則其指陳皆實實可據後之人可藉爲龜鑑無疑非猶夫儒生學士稽考掌故旁參士著而掇拾以成書者比也余與黃君共事久嘉黃君之能勤力於民又喜其能繼余未竟之志故爲道其源委推其功效而書之特

詳若夫考核之精稱引之富則當世之儒生學士類能言之不足爲黃君道也乾隆丁卯夏四月下浣三日知

淮安府事濟源衛哲治書

鹽古無志也自萬厯間創之迄晚近重修之今曷爲亟復修之也曰志以昭往績宣時宜策利害籌時用考政治而和民俗近志刪汰過當不無滲漏信今傳後法戒勸懲前修違矣後顧何恃故亟亟復修之也今夫鹽之爲邑也西瀕於淮東濱於海川勢經絡葭葦彌望而旱潦蝻蝗及颶風海嘯諸奇災頻仍不絕予覽邑乘所載及父老所傳用滋懼焉古之爲吏者不以其地之荒

鹽城縣志

卷首 原序

十

遠凋瘵而委之無可如何必精思熟計以經以畫相其緩急而次第布之用能興廢舉墜上不負天子之命下不失窮陬黎首之望是以土物宜而風俗咸往郡憲衛公治鹽時修舉廢墜建議設天妃閣以禦海潮厥功甚鉅乾隆七年河決古溝 天子軫卹民艱大發內帑督撫諸憲復請浚河道築圩堤以時導之余董是役度其形勢濬開壘潰使蓄洩有賴灌漑無虞既竣事又立劉猛八蜡廟以隆報賽以除蝗害歲稍稔因修葺學宮達義學立書院乃得與鹽之人士講求聖賢明體達用之學古文經義之歸務使水忠去而田土治田土治而衣

食足衣食足而禮義興其沐國家休和之澤初不敢以葭爾瓢城懸於淮海而因循苟簡諱其責也况鹽德業文章輝煌史冊陸忠烈公之坊表在焉其東郭則范公堤長互如虹流風遺韵足以生人景仰其人文之鵲起聯翩今猶方興未艾也後之爲政於鹽者披覽斯志撫古蹟以興思識時宜之所切明利害之所在知財用之法戒余媿未能且志之以待來茲也是舉也因邑紳士之請竝呈其所新入者與余商榷之故言以弁其首乾隆十二年丁卯夏四月知鹽城縣事清江黃垣撰

鹽城縣志

卷首 原序

十一

昔聖人之作春秋也皆因魯史舊文郭公夏五俱載於經穀梁氏謂夏五傳疑也康侯胡氏謂傳疑聖人之慎也蓋從來紀載之書古人所傳必非無根若任意刪除則往昔事蹟前人懿美一旦湮沒後此千百年誰復知者此固稽古者之所深慨也吾鹽邑志創修於明萬厯間南海楊公菟羅考核最爲精詳嗣經 本朝歷任邑尊先後續修悉本楊志之舊其一時司校讎者皆當時宿學巨儒其閱見眞故考据確後之人欲別出心裁以翻前案也難矣至于今昔日積則事日多載筆之士有增無減固勢之所趨也乃或過爲芟削不免遺漏鹽人

思欲重修未能也適郡憲衛公重修淮郡全志鹽志亦  
在重修之內公原令鹽者也其於鹽志久經討論邑尊  
黃公仰承憲意因議重修鹽人皆踴躍鼓舞共襄厥事  
兩公以其事屬余余何知竊呂邑志之修所關甚鉅將  
以信今而傳後而徵事不當論人未允其如清議何今  
幸舊志原本尙存乃與邑中同學諸子參互考訂酌古  
準今一本原志之舊而益以近所傳聞合邑之人皆謂  
此志之修可復本來面目予方愧學之不逮但兢兢編  
輯苦心總目續昔人遺規而不敢徇私失真重滋將來  
之口實此則予之差堪自信者爾乾隆十二年丁卯春

鹽城縣志

卷首

原序

士

二月邑人沈儼序

時與儼同纂縣志者爲邑人  
劉需王鉅張再洪謝宏宗

鹽城縣志凡例

一鹽城古無志書自南海楊氏開闢鴻蒙規撫畧備程  
志於楊志多所糾正沈志於程志力爲詆牾此猶王  
肅駁鄭伯與更駁子雍柳非國語端禮復非子厚互  
肆攻駁亦互胥醇疵今於三志詳究是非不敢苟爲  
同異補遺正譌悉據羣書凡有援引繫標出典或放  
李錯尙史暨阮元 國史館儒林傳例集句成篇仍  
分注所出於下有所辨正則放張鳴鳳桂故桂勝之  
例附注於下乃或夾注之中復有夾注則姚宏補注  
戰國策范成大吳郡志之例也至稱述三家之書於  
其同者則渾稱舊志於其異者則析言某志舊志所  
已引者則曰某志引某書其有止舉它書不稱舊志  
卽係新增蒐討之勤頗同創始

鹽城縣志

卷首

凡例

一

一沈志總目十六子目六十有六沿革不入地理星緯  
不附疆域未免配儼失宜楊志人物有寓賢而程志  
削之程志藝文無書目沈志仍之程志於學校兵防  
抑入子目沈志於公署物產並立專門各有重輕鈞  
乖體要今立總目十目與地曰河渠曰食貨曰學校  
曰武備曰職官曰選舉曰人物曰藝文曰禮類皆本  
趙宏恩江南通志唯子目互有異同不必盡相過率

一建置沿革兼詳射陽以射陽立縣先於鹽漬且其故城在今鹽城境內有方輿紀要明史藝地理志可據程志謂漢射陽縣與今鹽城無涉人物志因削去城身臧洪陳咨陳琳諸人沈志駁之是也但沈志以射陽侯樊丹與劉繆並稱不知丹所封之射陽水經注作射陽詩所謂中伯番番既入於謝也與臨淮之射陽無涉四史發伏所辨甚明又沈志載劉宋徐秋夫滅鬼事乾隆府志有南齊王敬則傳考秋夫雖為射陽令敬則雖為射陽人然其時縣已僞置江南與今鹽城無涉凡此之類槩予削除以昭限斷

鹽城縣志

卷首 凡例

二

一疆域之廣袤道里之遠近皆以今境為斷都圖莊鎮津渡古蹟寺觀之類有初屬鹽城後割隸阜甯者程志沈志誤載之今槩槩落以免混淆地名悉從土俗公羊春秋傳所謂名從主人庶幾便於識別

一境內窪邪為多土性芒種為宜元元之命縣於水利濬渠建厠今為要圖溯自前明嘉隆而后河水南徙挾淮為害高堰屢潰大浸稽天淮揚皆墊歲十而九延及國朝懷襄倖於前代故當事亟亟泄水墊籌備旱迨咸豐乙卯黃河決銅瓦廂改道齊魯西北數省之水不復繇淮郡東趨入海而淮湖亦順軌安流

入江故下河州縣昔患溢溢今苦淤淤苗穀既異捍禦亦殊不敢拘守舊說致同膠柱

一境內河湖堤堰分條臚載如大蘆湖當作大縱湖西塘河或稱神靈河穿場河或稱運河捍海堰或稱捍潮堤凡今昔殊名者皆詳為辯證以資考鏡其古有而今不可考者則放欽定滿洲源流考之例別為存疑附於末至舊府縣志載河湖距縣里數此外彼乖未能劃一且所指有上游下游之不同也今欲稽其里數自宜斷以上游然或東西兩匯南北分流無上下游可以指名遠近以何為準徒滋舛謬無關重

鹽城縣志

卷首 凡例

三

輕今槩削落不拘舊軌

一蠲振隸於食貨本史例也發粟蠲租國恩汪歲謹誌於戶口田賦之先用昭敬恪至前代振卹則附詳異入於襍類以年遠而澤已竭也丁漕徵解數目俱遵部頒賦役全書彙入至場蠶之征舊志與鹽法志所載不同而新修鹽法志去歲雖已某成今復奉部駁正其書究未之覩也今據兩場移縣檔案彙登倉儲舊隸公署今移食貨物產提挈宏綱指陳利病不復分類臚舉致同埤畧爾雅之書

一書院試院義學繫於學校志所同也州縣志於學校